

Uunga siunnersuut: Tarnimikkut napparsimasunik kiffaangissusiiasaarneq allatigullu pinngitsaaliissummik iliuseqartarneq pillugu Inatsisartut inatsisaat nr, xx. xxx 2019-imeersoq

Kapitali 1

Inatsisip atuuffia

§ 1. Tarnimikkut napparsimasut napparsimmavimmut unitsinneqarnerannut, napparsimmavimmi uninnganerannut aamma katsorsarneqarnerannut atatillugu kiffaangissusiianeq allatigullu pinngitsaaliissummik iliuseqartarneq taamaallaat Dronning Ingridip Napparsimmavissuata tarnimikkut napparsimasunut immikkoortortaarfiani, taamaattorli takuuk imm. 2 aamma 3 kiisalu § 10, imm. 2 aamma inatsisartut inatsisaanni matumani maleruaqqusat naapertorlugit imaluunniit maleruaqqusat tamatuminnga tunngaveqarluni saqqummersinneqartut tunngavigalugit taamaallaat pisinnaapput.

Imm. 2. Pinngitsaaliissummik napparsimmavimmut unitsitsineq, imm. 1 apeqqutaatinnagu, peqqinnissaqarfiup suliffeqarfiini allani aallartinneqarsinnaavoq. Dronning Ingridip Napparsimmavissuata tarnimikkut napparsimasunut immikkoortortaarfiani nakorsaaneq, nakorsap unitsitsisup isumasioqatigineratigut, aalajangiissaaq pinngitsaaliissummik unitsitsinissap qanoq pisariaqartiginera pillugu. Nalinginnaasumik angallannermi pissutsinit akornuserneqanngippat, pinngitsaaliissummik unitsitsinerup aallartinnerata kingornatigut nalunaaquttap-akunneri 48-t qaangiutsinnagit Dronning Ingridip Napparsimmavissuata tarnimikkut napparsimasunut immikkoortortaarfianut nuutitsisoqassaaq. Pinngitsaaliissummik iliuseqarnerit kapitali 6-imi taaneqartut pinngitsaaliissummik unitsitsinerup aallartitsinneqarnerani atorneqarsinnaapput.

Imm. 3. Timikkut anniaatigisamik pinngitsaaliissummik nakorsaaneq pisariaqarpat timikkut napparsimasunut immikkoortortaarfimmi ingerlanneqarsinnaavoq, tak. § 14.

§ 2. Inatsisartut inatsisaanni matumani pinngitsaaliissummik iliuseqarneq tassaavoq paasissutissinneqareernikkut isumaqataalluni akuersissuteqartoqanngitsaq, tak. napparsimasut inatsisitigut inissisimanerat pillugu Inatsisartut peqqussutaanni kap. 2.

Imm. 2. Napparsimasunut 15-it inorlugit ukiulinnut imaluunniit paasitinneqareerluni isumaqataalluni akuersinissamut piginnaaneqanngitsunut tunngatillugu angajoqqaatut akisussaasumit, angajoqqaatut akisussaataasumit imaluunniit qanigisaanit qaninnerpaamit akuersissut pissarsiariniarneqassanngilaq inatsisartut inatsisaat manna naapertorlugu aaqiissutip ingerlaannartumik naammassinissaa pisariaqassappat napparsimasup ima iliornissaa pitsaaliorniarlugu:

- 1) imminut ajoqusersinnaanera imaluunniit allanik t timaasigut imaluunniit peqqissusiisigut ajoqusiisinnaanera ilimanarluinnarpat, imaluunniit
- 2) annikigisassaangitsumik aserorterinissaa.

Imm. 3. Iliuseqarnerit atorneqartillugu tak. imm. 2, taava angajoqqaatut akisussaaffimmik pigisaqartoq, angajoqqaatut akisussaataasooq imaluunniit qanigisaasooq qaninnerpaaq tamatuma kingornatigut tamanna pillugu ilisimatineqassaaq.

Imm. 4. Napparsimasunut ukiukitsunut 15-inik ukioqalereersimasunut tunngatillugu peqqinnissaqarfimmi sulisup inummik pineqartumik naliliinermi kingornatigut nalileruniuk pineqartup isummernermi kingunissai paasisinnaangikkai, tak. napparsimasut inatsisitigut inissisimanerat pillugu Inatsisartut peqqussutaanni § 8 imm. 2., taava imm. 2 aamma imm. 3 taamatut atuutissapput.

Kapitali 2

Aalajangersakkat nalinginnaasut

§ 3. Peqqinnissaqarfiup immikkoortuisa arlaannut unitsitsineq, uninnganeq aamma nakorsaaneq sapinngisamik napparsimasup nammineq piumassusia naapertorlugu pissapput.

Imm. 2. Nakorsap napparsimasooq unitsitsinerup, napparsimmavimmiititsinerup katsorsaanerullu siunertaanik kiisalu peqqinnerulersinnaaneramik paasitissavaa.

Imm. 3. Immikkoortortamut unitsinneqartut tamarmik katsorsarneqarnermut pilersaarusiunneqarnissaat, pilersaarutit imarisai pillugit napparsimasup akuutinneqarnissaa tusarneqarnissaalu kiisalu tamatuma naammassineqarnissaanut napparsimasup akuersinissaata anguniarneqartuarnissaa Dronning Ingridip Napparsimmavissuata tarnimikkut napparsimasunut immikkoortortaqarfiani nakorsaanerup akisussaaffigaa.

Imm. 4. Katsorsaaniissamut pilersaarut ingerlaavartumik naleqqussarneqartassaaq, qanorluunniillu ilisukkut katsorsaanerit suut ingerlanneqarnerannik kiisalu katsorsaanerni maanna ingerlanneqartuni suut anguniarneqarnerannik ersersitsisassalluni.

Imm. 5. Katsorsaaniissamut pilersaarutit assilineri napparsimasumut tunniunneqassaaq, piumangippaguli tunniunneqassanani.

§ 4. Napparsimasup kajumissutsiminik peqataanissaa anguniarlugu sapinngisamik iliuseqartoqareertinnagu pinngitsaaliissummik iliuseqarneq atorneqassanngilaq. Pissutsit tunngavigalugit ajornangippat napparsimasooq naleqquttumik eqqarsarfissaqartinneqassaaq.

Imm. 2. Pinngitsaaliissummik iliuseqarneq anguniarneqartumut naleqqutissaaq. Iliuusissat annikinnerusumik akuliunnerusut naammappata, taava taakku atorneqassapput.

Imm. 3. Pinngitsaaliissummik iliuseqarneq sapinngisamik qajassuartumik aamma sapinngisamik annertunerpaamik napparsimasumik innimiginnilluni ingerlanneqassaaq, taamaaliornikkut kanngunarsaaneq imaluunniit ajoqusiineq pisariaqanngitsoq pinngitsoorneqassammata.

§ 5. Aalajangersakkat ukunaniittut § 1, imm. 2, § 9, imm. 2, § 10, imm. 1 aamma 3, § 11, imm. 1, § 12, § 13, imm. 2, § 14, imm. 2, § 21, imm. 2 aamma 3, § 28, § 30, imm. 1 aamma 3 kiisalu § 32, imm. 2 nakorsaanerup peqannginnerani tarnimikkut napparsimasunut

immikkoortorta qarfirmi nakorsamit allamit aalajangiiffigineqarnissaat akornutissaqanngilaq. Taamatut pisoqartillugu nakorsaanerup piaarnerpaamik kingusinnerpaamillu nalunaaquttap-akunneri 24-t qaangiutsinnagit aalajangiussaq isummerfigissavaa.

Imm. 2. Nakorsaanerup aalajangiinera pinngitsaaliisummik iliuseqarneq pillugu allattaavimmut allanneqassaaq.

Kapitali 3

Kiffaannngissusiianeq

Ataatsimut isigalugu

§ 6. Pinngitsaaliisummik unitsitsineq, tak. § 7-9, imaluunniit pinngitsaaliisummik uninngatitsitsineq, tak. § 10 taamaallaat pisinnaavoq inuk pineqartoq silanngajaarpat imaluunniit tamatumunnga sanilliunneqarsinnaasumik pissuseqarpat kiisalu pineqartup katsorsarneqarnissaa siunertaralugu kiffaannngissusiarneqannginnissaa illersorneqarsinnaanngippat, makku pissutigalugit:

- 1) taamaaliortoqanngippat aqqinnissaata ilimanassusaa imaluunniit qanoq-issusiata annertuumik pingaarutilimmillu pitsanngoriarnissaa annertuumik ajornerulersinneqassamat, imaluunniit
- 2) inuk pineqartoq imminik eqqaminiittunilluunniit annertuumik navianartorsiortitsippat.

Pinngitsaaliisummik napparsimmavimmut unitsitsineq

§ 7. Inuk silanngajaartutut isigineqarsinnaasoq nammineq pisariaqartumik katsorsartinnissaminik ujartuinngippat qanigisaasut nakorsap aggersarneqarnissaa siunertaralugu peqqinnissaqarfiup attaviginissaanut pisussaapput.

Imm. 2. Qanigisaasut peqqinnissaqarfik attaviginngippassuk, tak. imm. 1, politiit taamaaliornissaq pisussaaffigivaat.

Imm. 3. Nakorsap aggersarneqartup misissuineq paasissutissallu pissarsiarineqartut tunngavigalugit tarnimikkut napparsimasunut immikkoortorta qarfirmut unitsitsinissaq pisariaqarnersoq nalilissavaa. Napparsimasup paasissutissinneqareernikkut isumaqataalluni taamatut unitsinneqarnissani akuerinngippagu nakorsap pinngitsaaliisummik unitsitsineq pisariaqarnersoq aalajangissavaa.

Imm. 4. § 6-imi pissutsit napparsimasumut atuuppata pinngitsaaliisummik unitsitsineq pissaaq. Tamanna pillugu nakorsaq uppernarsaammik allassaaq, tak. § 8, imm. 2.

§ 8. Pinngitsaaliisummik unitsitsinissap aallartinneqarnissaa pillugu politiit aalajangersaassapput ikiuullutillu.

Imm. 2. Nakorsap nalunaarusiaa, unitsitsinissaq siunertaralugu nakorsap nammineq misissuineranik tunngaveqartoq, taamaallaat tunngavigalugu pinngitsaaliisummik

unitsitsineq tamatumani pineqartoq pisinnaavoq. Nalunaarut pinngitsaaliisummik unitsitsiviusussami nakorsamit, Dronning Ingridip Napparsimmavissuata tarnimikkut napparsimasunut immikkoortortaqarfiani atorfeqartumit, suliarineqarsimassanngilaq. Tamatuma saniatigut nalunaarut nakorsamit suliameq qataasinnaannngitsumit suliarineqarsimasuussanngilaq. Pisortat ingerlatsineranni suliassat suliarineqartarnerat pillugu inatsimmi § 3-mi eqqaaneqartutut suliameq qataasinnaannnginneq atuuppoq.

Imm. 3. § 5, nr. 2 naapertorlugu pinngitsaaliisummik unitsitsinermi ullup unnuallu ataatsip iluanni nakorsaq misissuisimassaaq, aamma § 5, nr. 1 naapertorlugu pinngitsaaliisummik unitsitsinermi unitsitsineq sioqqullugu ullut arfineq-marluk iluanni misissuisimassalluni.

§ 9. § 6, nr. 2 malillugu pinngitsaaliisummik unitsitsisoqarpat napparsimasoq ingerlaannaq peqqinnissaqarfimmit isumagineqalissaaq. § 6, nr. 1 malillugu pinngitsaaliisummik unitsitsineq pippat napparsimasoq sapinngisamik ullut arfineq-marluk iluanni piaartumik, § 8, imm. 3 eqqaaneqartutut, peqqinnissaqarfimmit isumagineqassaaq.

Imm. 2. Dronning Ingridip Napparsimmavissuata tarnimikkut napparsimasunut immikkoortortaqarfiani nakorsaanerup pinngitsaaliisummik unitsitsinermit piumasagaatit eqqortinneqarnersut aalajangiiffigissavaa.

Imm. 3. Kalaallit Nunaanni Politimesterip Danmarkimilu Inatsisinik Atuutsitsinermit Ministereqarfiup akuersinerisigut politit peqataanissaannut tunngatillugu Naalakkersuisut pinngitsaaliisummik unitsitsinermi ingerlatseriaatsimut sukumiinerusumik malittarisassiussapput.

Pinngitsaaliisummik uninngatitsineq

§ 10. § 6-imi pissutsit napparsimasumut atuuttut nakorsaanerup nalilerpagu Dronning Ingridip Napparsimmavissuata tarnimikkut napparsimasunut immikkoortortaqarfiani uninngasumik pinngitsaaliisummik tiggummigallagassanngortitsisoqassaaq.

Imm. 2. Napparsimasoq nuunneqarnissaminik paasissutissinneqareernikkut isumaqataalluni akuerseqataaangippat tarnimikkut napparsimasunut immikkoortortaqarfimmit tarnimikkut napparsimasunut immikkoortortamut matoqqasumut Kalaallit Nunaata avataaniittumut nuussineq pinngitsaaliisummik tiggummigallagassanngortitsineq pillugu maleruagassat malillugit suliarineqassaaq.

Imm. 3. Napparsimasumit Dronning Ingridip Napparsimmavissuata tarnimikkut napparsimasunut immikkoortortaqarfiani uninngasumit angerlartinneqarnissamik noqqaassut saqqummiunneqarpat nakorsaanerup sapinngisamik piaarnerpaamik noqqaassutillu saqqummiunneranit naatsorsorlugu kingusinnerpaamik 24 tiimit qaangiutsinnagit napparsimasoq angerlartinneqarsinnaanersoq imaluunniit pinngitsaaliisummik tiggummigallagassanngortinneqassanersoq nalunaarfigissavaa. Pinngitsaaliisummik unitsitsisoqarneranit imaluunniit § 1, imm. 2 naapertorlugu unitsitsinerup aallartinneranit naatsorsorlugu ullup unnuallu ataatsip iluani Dronning Ingridip Napparsimmavissuata

tarnimikkut napparsimasunut immikkoortortaarfianit angerlartinneqarnissamik noqqaassut saqqummiunneqarpat nakorsaanerup aalajangiinera pinngitsaaliissummik unitsitsinermi naatsorsorlugu 48 tiimit iluanni napparsimasumut nalunaarutigineqassaaq. Noqqaassut napparsimasumut siunnersortimit saqqummiunneqarsimappat, tak. kapitalit 8 aamma 9, taava aamma taanna nalunaarfigineqassaaq.

Unitsitseqqinneq

§ 11. Pinngitsaaliissummik unitsinneqartup imaluunniit pinngitsaaliissummik tigummigallarneqartup Dronning Ingridip Napparsimmavissuata tarnimikkut napparsimasunut immikkoortorta imaluunniit § 1, imm. 2 naapertorlugu pinngitsaaliissummik unitsitsinermi peqqinnissaqarfiup immikkoortorta alla qimassimappagu pineqartorlu nammineq kajumissutsiminik utersimangippat politiit ikiortigalugit pineqartoq immikkoortortamut utertinneqassasoq Dronning Ingridip Napparsimmavissuata tarnimikkut napparsimasunut immikkoortortaarfiani nakorsaaneq aalajangersinnaavoq. Uteqqittoqannginnerata paasineqarnerata kingorna sapaatip-akunnera ataaseq tikillugu taamatut utertitsineq taamaallaat pisinnaavoq. Pineqartoq aninermi kingorna uteqqissimangippat pingasut sinnerlugit unnuinissamut akuerineqarsimanginnera unitsitseqqiinissamut piumasagaataavortaaq.

Imm. 2. Kalaallit Nunaanni Politimesterip Danmarkimilu Inatsisinik Atuutsitsinermut Ministereqarfiup akuersinerisigut politiit peqataanissaannut tunngatillugu Naalakkersuisut pinngitsaaliissummik unititseqqiinermi ingerlatseriaatsimut sukumiinerusumik malittarisassiussapput.

Kiffaangissusiiaanermik atuukkunnaarsitsineq

§ 12. § 6-imi piumasagaatinut pissutsit atuukkunnaartutut nakorsaanerup nalilerpagit kiffaangissusiianeq ingerlaannaq atorunnaarsinneqassaaq.

Imm. 2. Kiffaangissusiianeq atorunnaarpat taava tamanna pillugu napparsimasoq napparsimasumullu siunnersorti ingerlaannaq nalunaarfigineqassapput.

Kapitali 4

Pinngitsaaliissummik nakorsaaneq

§ 13. Pinngitsaaliissummik tigummigallagassanngortitaanissamut piumasagaatinik atugaqartunik, tak. § 10, taamaallaat pinngitsaaliissummik katsorsaasoqarsinnaavoq.

Imm. 2. Pinngitsaaliissummik katsorsaasoqassanersoq Dronning Ingridip Napparsimmavissuata tarnimikkut napparsimasunut immikkoortortaarfiani nakorsaanerup aalajangiiffigissavaa. Tamatumunnga peqatigitillugu katsorsaanerup ingerlannissaanut

pisariaqartitsineq naapertorlugu qanoq nukersortoqartigisinnaanera nakorsaanerup aalajangersaavigisinnaavaa.

Imm. 3. Dronning Ingridip Napparsimmavissuani taamaallaat pinngitsaaliissummik katsorsaanerit aallartinneqarsinnaallutillu ingerlanneqarsinnaapput.

Imm. 4. Pinngitsaaliissummik nakorsaatitortitsinermi nakorsaatit misiligarneqareersut, nalinginnaasumik annertussusilikkat annikinnerpaanillu annertuunik kingunerluutitalit atorreqassapput.

Imm. 5. Napparsimasoq imm. 1-imi piumasaqaatinut pissutsinik atugaqarpat aatsaallu inuunerminik navianartorsiortitsippat imaluunniit navianartorsiortitsilersinnaappat qupinnguallatsitsineq atorlugu pinngitsaaliissummik nakorsaaneq aallartinneqarsinnaavoq.

Imm. 6. Imm. 2 malillugu pinngitsaaliissummik nakorsaasoqarnissaa pillugu nakorsaanerup aalajanginnginnerani napparsimasoq nakorsarneqarnissaminut ilumut akuersissanerluni eqqarsaatiginissaanut piffissaqartinneqassaaq. Piffissaq eqqarsarfissaq naleqquttumik, taamaattorli sivisunerpaamik ullunik pingasunik, sivisussuseqassaaq.

Imm. 7. Aalajangersagaq manna malillugu pinngitsaaliissummik nakorsaaneq pillugu Naalakkersuisut sukumiinerusunik maleruagassiussapput.

§ 14. § 6 naapertorlugu inuk kiffaangissusiarneqarnissamut piumasaqaatinut pissutsinik atugaqartoq timikkut ajuut pillugu katsorsarneqarnissamut paasitinneqareernikkut isumaqataalluni akuersinngitsoq ajuutaa pillugu, taanna ajuut napparsimasup inuuneranik imaluunniit peqqissusaanik annertuumik ulorianartorsiortitsippat, pinngitsaaliissummik katsorsarneqarsinnaavoq. Napparsimasoq Dronning Ingridip Napparsimmavissuata tarnimikkut napparsimasunut immikkoortortaqarfiani pinngitsaaliissummik unitsinneqareersimanngippat manna aalajangersagaq malillugu pinngitsaaliissummik katsorsaansamut piumasaqaataavortaaq pinngitsaaliissummik unitsitsinissaq pillugu nalunaarusiortoqareersimanissaa, tak. § 7, imm. 3, aamma Dronning Ingridip Napparsimmavissuata tarnimikkut napparsimasunut immikkoortortaqarfimmi nakorsaanerup pinngitsaaliissummik unitsitsinissamut pissutsit napparsimasumut atuunnerat pillugu aalajangiisimanissaa, tak. § 9, imm. 2.

Imm. 2. Imm. 1-imi eqqaaneqartut pinngitsaaliissummik katsorsaasoqassanersoq timikkut napparsimasunut immikkoortortaqarfimmi pineqartumi nakorsaanerup Dronning Ingridip Napparsimmavissuata tarnimikkut napparsimasunut immikkoortortaqarfiani nakorsaanerup isumasioqatigineratigut aalajangiiffigissavaa. Pisariaqassappat timikkut napparsimasunut immikkoortortaqarfimmi katsorsaasoqarsinnaavoq.

Imm. 3. Aalajangersagaq manna malillugu pinngitsaaliissummik nakorsaaneq pillugu Naalakkersuisut sukumiinerusunik malittarisassiussapput.

Kapitali 5

Angerlartitsinerup kingorna malittarinnineq

§ 15. Napparsimasut angerlartitsinerup kingorna peqqissutsiminnut pisariaqartunik katsorsartinnissamik imaluunniit isumaginninnikkut neqeroorutitik namminneq ujartuinaaviannngitsutut ilimagineqarsinnaasut napparsimasut aamma tarnimikkut napparsimasunut immikkoortortap kiisalu oqartussaasut attuumassutillit, peqqissutsikkut sullissisut assigisaasalu akornanni napparsimasumik nakorsaanerumut aamma isumaginninnikkut neqeroorutit pillugit angerlartitsinermi isumaqatigiissutigineqarnissaat Dronning Ingridip Napparsimmavissuata tarnimikkut napparsimasunut immikkoortortaqarfiani nakorsaanerup akisussaaffigaa.

Imm. 2. Angerlartitsinerumut isumaqatigiissutitik nunatsinni nakorsaanerumut nalunaaruteqartarneq nalunaarsuisarnerlu pillugit maleruagassanik Naalakkersuisut aalajangersaassapput. Tassunga atatillugu nalunaaruteqarnermi napparsimasup kinaassusianik paasissutissat ilanngunneqartarnissaat pillugit Naalakkersuisut malittarisassiorsinnaapput.

§ 16. Napparsimasoq § 15-imi ilaatinneqartoq angerlartitsinermi isumaqatigiissusiorusunnngippat tarnimikkut napparsimasunut immikkoortortaqarfiup oqartussaasut attuumassutillit, peqqissutsikkut sullissisut assigisaallu suleqatigalugit napparsimasumik katsorsaanerup isumaginninnikkullu neqeroorutit pillugit ataqatigiissakkamik pilersaarusiornissaa nakorsaanerup akisussaaffigaa.

Imm. 2. Pilersaarutitik ataqatigiissakkanik nunatsinni nakorsaanerumut nalunaaruteqartarneq nalunaarsuisarnerlu pillugit maleruagassanik Naalakkersuisut aalajangersaassapput. Tassunga atatillugu nalunaaruteqarnermi napparsimasup kinaassusianik paasissutissat ilanngunneqartarnissaat pillugit Naalakkersuisut maleruagassanik aalajangersaasinnaapput.

§ 17. Tarnimikkut napparsimasunut immikkoortortaqarfiup napparsimasup inuunermini atugai pillugit paasissutissat oqartussanut allanut, peqqissutsikkut sullissisunut assigisaannullu ingerlateqqissinnaavai tamanna angerlartitsinermi isumaqatigiissut imaluunniit ataqatigiissakkamik pilersaarut pillugu isumaqatigiissusiornerumut nakkutiginninnermullu tunngatillugu pisariaqartutut nalilerneqarpat.

Imm. 2. Taamatuttaaq soorlu imm. 1-imitut oqartussaasut, peqqissutsikkut sullissisut assigisaallu napparsimasup inuunermini atugai pillugit paasissutissat tarnimikkut napparsimasunut immikkoortortamut oqartussaasunullu allanut kiisalu peqqissutsikkut sullissisunut assigisaannullu ingerlateqqissinnaavaat.

§ 18. Dronning Ingridip Napparsimmavissuata tarnimikkut napparsimasunut immikkoortortaqarfiani nakorsaaneq aalajangersinnaavoq napparsimasup angerlartinneqanninnerani angerlartitsinerup kingorna pinngitsaaliissummik malittarinnittoqassasoq unitsitsineq tunuliaqutaralugu napparsimasup angerlartinneqarnermi kingorna katsorsaaneq napparsimasup peqqissutsiminut pisariaqartoq maleruarunnaassagaa tunngavissaqartumik ernumagineqarpat aarlerigineqarpallu, aamma

- 1) napparsimasoq unitsinneqarnini sioqqullugu ukiut pingasut kingulliit pinngitsaaliisummik unitsinneqarsimappat pinngitsaaliisummilluunniit tigummigallarneqarsimappat,
- 2) napparsimasoq unitsinneqarnini sioqqullugu ukiut pingasut kingulliit ikinnerpaamik ataasiarluni katsorsaanermik, angerlartitsinermi isumaqatigiissummi imaluunniit ataqatigiissakkamik pilersaarummi allassimasumik, maleruaasimanngippat, aamma
- 3) napparsimasoq unitsinneqarnerminut atatillugu pinngitsaaliisummik unitsinneqarsimappat pinngitsaaliisummilluunniit tigummigallarneqarsimappat.

Imm. 2. Nakorsaanerup angerlartitsinerup kingorna pinngitsaaliisummik malittarinninnissamik aalajangiussaa napparsimasup peqqinnissaqarfiup immikkoortortaasa ilaannut ataatsimut nakorsaatitortarnissaanik taamaallaat imaqarsinnaavoq.

Imm. 3. Napparsimasoq nakorsaatitortarluni aggingippat, tak. imm. 2 nakorsaaneq aalajangersinnaavoq napparsimasoq politiinit aaneqassasoq peqqinnissaqarfiullu immikkoortortaasa ilaanni ataatsimi pinngitsaaliisummik nakorsaatitortinneqassasoq. Aallernermi sapinngisamik peqqissaanermik sulialik najuutissaaq.

Imm. 4. Angerlartitsinerup kingorna pinngitsaaliisummik malittarinninnermut atatillugu nakorsaatit, tassunga ilanngullugit kapuutaasinnaasut, napparsimasumit qanoq qisuariarfigineqartarnerannik nakorsaanermit ilisimaneqartut atorineqassapput.

Imm. 5. Angerlartitsinerup kingorna pinngitsaaliisummik malittarinninnissaq napparsimasumik angerlartitsinerup kingorna qaammatit pingasut tungaannut atuussinnaavoq, taamaattorli tak. imm. 6.

Imm. 6. Qaammatit pingasut qaangiunneranni, tak. imm. 5, napparsimasup katsorsaanermik peqqissutsiminut pisariaqartumik maleruaajunnaarnissaa tunngavissaqartumik naatsorsuutigineqarsinnaappat aarleqqutigineqarlunilu nakorsaaneq aalajangersinnaavoq angerlartitsinerup kingorna pinngitsaaliisummik malittarinninneq qaammatinik pingasukkaartunik sivitsorneqassasoq, taamaattorli napparsimasoq angerlartinneqarnermi kingorna sivisunerpaamik qaammatit aqqaneq-marluk tungaannut pinngitsaaliisummik malittarineqarsinnaavoq.

§ 19. Angerlartitsinerup kingorna pinngitsaaliisummik malittarinninnermut, tassunga ilanngullugu Kalaallit Nunaanni Politimesterip Danmarkimilu Inatsisinik Atuutsitsinermut Ministereqarfiup akuersinerisigut napparsimasumik, nammineq kajumissutsiminik nakorsaatitortartunngitsumik, aallernermit politiit peqataanissaannut kiisalu peqqissutsikkut sullissisup tamatumunnga ilaananeranut malittarisassat Naalakkersuisunit aalajangersarneqassapput.

Kapitali 6

Sukaterussineq il.il.

Pinngitsaaliisummik sukaterussineq

§ 20. Pinngitsaaliissummik sukaterussinermi qiterut, paffinnut aamma singernernut ungerutit kiisalu aaqqatit taamaallaat atorpeqarsinnaapput.

Imm. 2. Pinngitsaaliissummik sukaterussinermi taamaallaat atorpeqarsinnaavoq napparsimasup ima iliornissaa pitsaaliorneqartariaqarpat:

- 1) imminut allalluunniit eqqaminiittut timikkut peqqissutsikkulluunniit ajoqusiinissaa,
- 2) napparsimasoqatiminik malersuinissaa imaluunniit assigisaanik peqqarniitsumik ajortumik pinninnissaa, imaluunniit
- 3) annikigisassaanngitsumik aserorterinissaa.

§ 21. Nakorsap napparsimasumik misissuinermi kingorna pinngitsaaliissummik sukaterussinermi aalajangiisoqassanersoq aalajangissavaa, taamaattoq tak. imm. 2

Imm. 2. Taamaattoq qiterutip saniatigut paffinnut aamma singernernut ungerutit kiisalu aaqqatit atorpeqassanersut Dronning Ingridip Napparsimmavissuata tarnimikkut napparsimasunut immikkoortortaqarfiani nakorsaanerup aalajangissavaa.

Imm. 3. Peqqinnissaqarfiup immikkoortortaasa ilaanni pinngitsaaliissummik sukaterussinerni nalunaaquttap-akunnerinik 12-inik sivisussuseqarsinnaasutut naatsorsuutigineqarsinnaasutut sivisunerusunulluunniit tunngatillugu sukaterusserup atuutiinnarneqarnissaa Dronning Ingridip Napparsimmavissuata tarnimikkut napparsimasunut immikkoortortaqarfiani nakorsaanermit aalajangerneqassaaq.

Imm. 4. § 20, imm. 2, nr. 1-imi eqqaaneqartutut napparsimasup nammineq allalluunniit isumannaassusaat eqqarsaatigalugit nakorsap misissuinissaata utaqqinissaa illersorneqarsinnaanngippat peqqissutsikkut sullissisut namminneq aalajangersinnaapput pineqartoq qiterummik nikitsaaliorlugu. Nakorsaq ingerlaannaq aggersarneqassaaq qiterullu atorlugu pinngitsaaliissummik nikitsaaliuilluni aalajangeeqqanerup atorpeqarnissaa pillugu aalajangiissalluni.

§ 22. Napparsimasoq pinngitsaaliissummik qiterummik aalajangerlugu sukaterunneqartoq aalajangersimasumik paarsisoqassaaq.

Nukiit atorlugit pissaanermik atuineq

§ 23. § 20, imm. 2-mi piunasaqaatit atuuppata inuk peqqinnissaqarfiup immikkoortortaasa ilaanni uninngasoq aalajangerlugu tigummineqarsinnaavoq aamma pisariaqarpat nukiit atorlugit immikkoortortaqarfimmi inimit allamut nuunneqarsinnaalluni. Inuit, kapitali 3-mi maleruagassat malillugit kiffaanngissusiarneqarsimasut, immikkoortortaqarfimmi ginnarissaat isumannaarniarlugu pisariaqartumik nukiit atorlugit pissaanermik atuiffigineqarsinnaapput.

Imm. 2. Napparsimasup eqqissiviilliorujussuup peqqinnerulernissaanut pingaaruteqarluinnarpat nakorsaq aalajangersinnaavoq napparsimasoq nukiit pisariaqartut atorlugit eqqissisaatitortinneqassasoq.

*Sernissuiniarluni sukaterussineq***§ 24.**

Sernissuiniarluni sukaterussineq tassaavoq napparsimasup taama piniangikkaluarluni imminut annertuumik navianartorsiortinnissaa pinngitsoortinniirlugu atorneqarsinnaasunik sunilluunniit atuineq.

Imm. 2. Nakorsaq napparsimasumik misissuereerpat aamma sernissuiniarluni sukaterussinissamat atugassaq pillugu sukumiinerusumik aalajangersaareerpat taamaallaat illersuiniarluni nikitsaaliuilluni aalajangiisoqarsinnaavoq.

Immikkut nakkutiginninneq aamma immikkoortortaqarfimmi matunik parnaarsuineq

§ 25. Inatsisartut inatsisaanni matumani inummik aalajangersimasumik nakkutiginninneq tassaavoq sulisup ataatsip sulisulluunniit arlallit napparsimasut eqqaanniinnerat.

Imm. 2. Aalajangersimasumik nakkutiginninneq, napparsimasup akueringisaa, taamaallaat atorneqarsinnaavoq napparsimasup ima iliornissaa pitsaaliorniirlugu:

- 1) imminoornissaa imaluunniit nammeneq peqqissutsiminik allalluunniit peqqissussaannik annertuumik ajoqusiinissaa, imaluunniit
- 2) uninngaqatigisanik allanilluunniit malersuinissaa allatulluunniit peqqarniitsumik ajoqusersuinissaa.

Imm. 3. Nakorsaq napparsimasoq misissoreerlugu aalajangersimasumik nakkutiginnittoqassanersoq aalajangissavaa.

§ 26. Napparsimasoq immikkoortortamat unitsinneqarnerminut atatillugu immikkoortortap aaqqissuussaananeramik pequtsersugaananerillu, taamaattoqassappallu immikkut parnaarneqarsinnaasunik matulinnik immikkoortoqarnera ilanngullugu, ilisimatinneqassaaq.

§ 27. Nakorsaq aalajangersinnaavoq immikkoortortaqarfimmi matut parnaarneqassasut, napparsimasulli ukua sinittarfii parnaarneqaqqusaanngillat:

- 1) napparsimasut kapitali 3 malillugu kiffaanngissusiiagaasimasut, aamma
- 2) napparsimasut namminneq piumassuserinngisaminnik annertuumik imminnut ulorianartorsiortittut, tak. § 24.

Imm. 2. Nakorsaq aalajangersinnaavoq matut parnaarneqassasut, napparsimasulli imm. 1-imut ilaatinneqanngitsut sinittarfiinut matut parnaarneqaqqusaanngillat, tamanna napparsimasup nammeneq noqqaassutigisimappagu. Napparsimasup noqqaassuteqarneragut parnaarsuineq erngertumik atorunnaarsinneqassaaq.

Imm. 3. Imm. 1 aamma 2 malillugit parnaarsuinissamik aalajangiisoqarniaripat immikkoortorta qarfirmiittut napparsimasut tamarmik erngertumik nalunaarfigineqassapput.

Pinnngitsaaliisummik inunnik eqqiluisaartitsineq

§ 28. Napparsimasoq tarnimigut napparsimanini pissutigalugu timikkut eqqiarnissaminik nammineq isumaginnissinnaangitsoq, uninngaqaataasut sulisulluunniit eqqarsaatigalugit pisariaqarpat, pinnngitsaaliisummik asattorneqassasoq Dronning Ingridip Napparsimmavissuani tarnimikkut napparsimasunut immikkoortorta qarfirmi nakorsaaneq aalajangiisinaavoq.

Pisinnaatitsisoqarnissaanut aalajangersagaq

§ 29. Pinnngitsaaliisummik sukaterussineq, nukiit atorlugit pissaanermik atuineq, sernissuiniarluni pinnngitsaaliisummik sukaterussineq, immikkut nakkutiginninneq, immikkoortorta qarfirmi matunik parnaarsuineq kiisalu pinnngitsaaliisummik inunnik eqqiluisaartitsineq pillugit Naalakkersuisut sukumiinerusumik maleruaqqusaliussapput.

Kapitali 7

Allagarsianik, pigisanik timilu satsillugu misissuisarnek aamma pigisanik arsaarinnissuteqartarnek aamma suujunnaarsitsineq

§ 30. Nakorsaatit, aanngajaarniutit atortulluunniit navianaatillit napparsimasumut apuunneqarsimanerannik apuunniarneqarnerannilluunniit tunngavissalimmik pasitsaassisoqartillugu Dronning Ingridip Napparsimmavissuani tarnimikkut napparsimasunut immikkoortorta qarfirmi nakorsaaneq aalajangersinnaavoq:

- 1) napparsimasup nassiussarsiai ammarneqarlutik misissuivigineqassasut,
- 2) napparsimasup inaa pigisaalu misissorneqassasut imaluunniit
- 3) napparsimasup timaa sattarlugu misissorneqassasoq. Timip ammarngisa misissorneqarnissaat inerteqqutaavoq.

Imm. 2. Napparsimasup nassiussarsiaasa napparsimasullu inaata kiisalu pigisaasa misissorneqarnerat sapinngisamik napparsimasup najuunnerani suliarineqartassaaq.

Imm. 3. Nakorsaatit, aanngajaarniutit atortullu navianaatillit imm. 1 malillugu akuliunnermi nassaarineqartut arsaarinnissutigineqassasut nakorsaaneq aalajangersinnaavoq. Nakorsaatit, aanngajaarniutit atortullu navianaatillit inatsisinut nalinginnaasunut unioqqutitsilluni pigineqarnerisut nakorsaanerup politiinut aalajangigassanngortissinnaavaa.

Imm. 4. Nassiussarsianik, napparsimasut inaannik pigisaannillu misissuinerit, timikkut sattaalluni misissuinerit kiisalu pigisanik arsaarinnissutiginninnerit suujunnaarsitsinerillu

pillugit maleruagassanik sukumiinerusunik Naalakkersuisut aalajangersaassapput.

Kapitali 8

Pinngitsaaliissutininik atorpeqartunik allattuisarneq aamma pinngitsuugassaannngitsumik nalilersueqqinneq

§ 31. §§ 6-11, § 13 malillugit pinngitsaaliissummik iliuuseqarnerit sulluunniit, § 18, §§ 20-23 malillugit pinngitsaaliissummik malittarinninnerit, § 24, § 25 malillugit nakorsaatissiissutininik iliuusissatullu innersuussutit, aamma § 27 malillugu 24 tiiminit sivilunerusunik aalajangersimasumik nakkutiginninnerit pillugit paasissutissat akuliunnerup sukumiinerusunik suussusii tunngavilersuutaasullu allaatigalugit immikkoortortaqarfimmi pinngitsaaliissuteqarnernik nalunaarsuinernut ilanngunneqartassapput.

Immikkoortortaqarfimmi pinngitsaaliissuteqarnernik nalunaarsuivimmut ilanngussap assilineru napparsimasup nalunaarsuutaanut taamatutaaq ilanngunneqassaaq.

Imm. 2. Pinngitsaaliissuteqarnernik nalunaarsuineq, Nunatsinni Nakorsaanermut pinngitsaaliissuteqarnerit nalunaarsorneri nalunaarutiginerilu pillugit Naalakkersuisut maleruagassanik sukumiinerusunik aalajangersaassapput. Tassunga atatillugu nalunaaruteqarnermi napparsimasup kinaassusianik paasissutissat ilanngunneqartarnissaat pillugit Naalakkersuisut malittarisassiorsinnaapput.

§ 32. Inatsisartut inatsisaanni matumani malittarisassat malillugit kiffaanngissusiiiaanerup allatigullu pinngitsaaliissummik iliuuseqarnerit pisariaqartumit annertunerusunik atorpeqannnginnissaannik nakkutilliuarneq Dronning Ingridip Napparsimmavissuani tarnimikkut napparsimasunut immikkoortortaqarfimmi nakorsaanerup pisussaaffigaa.

Imm. 2. Kiffaanngissusiiiaanerup naliliivigeqqinnissaanut atatillugu kiffaanngissusiiiaanerup aallartinneqarnerata kingorna ullut pingasut, qulit, 20-t 30-llu qaangiunnerini tamatumalu kingorna akuttunerpaamik sapaatit-akunneri sisamat qaangiunnerini, kiffaanngissusiiiaanerup atuukkallarnerani, piumasaqaatinut naapertuuttumik pissutsit suli atuunnersut nakorsaanerup nakkutigisassaraa. Nalileeqqinnerit taakku inernerit pinngitsaaliissuteqarnernik nalunaarsuivimmut ilanngunneqassapput.

Imm. 3. Kiffaanngissusiiiaanerup atuutsiinnarneqarnera pillugu aalajangiineq pillugu napparsimasumut siunnersorti aamma napparsimasooq nalunaarfigineqassapput.

Imm. 4. Illersuiniarluni nikitsaaliuilluni aalajangiinerup atuutiinnarnissaanut apeqqut ajornanngikkaangat sapinngisamillu akulikinnerpaamik nakorsamit nutaamik nalilersoqqinneqartassaaq, taamaattoq illersuiniarluni nikitsaaliuilluni aalajangiinerup atorpeqarnissaata aalajangerneqarnerata kingorna taamaaliortoqarnissaanik innersuussinerup atuunnerani akuttunerpaamik ullut pingasut, qulit, 20-t, 30-t tamatumalu kingorna akuttunerpaamik sapaatit-akunneri sisamakkaarlugit.

Imm. 5. Pinngitsaaliissummik nikitsaaliuilluni aalajangiineq atuutsillugu sapinngisamik ajornanngikkaangat, akuttunerpaamilli ullup unnuallu ataatsip ingerlanerani ataasiarluni, suli

pinngitsaaliissummik nikitsaaliuilluni aalajangiineq pillugu apeqqut atuutsinneqassanersoq nakorsamit nutaamik nalilersorneqartassaaq.

Kapitali 9

Napparsimasunik siunnersuisartut

§ 33. Napparsimasumut siunnersortimik toqqaasoqassaaq inummut kimulluunniit, imatut pineqartumut:

- 1) pinngitsaaliissummik unitinneqartumut,
- 2) pinngitsaaliissummik uninngatinneqartumut,

Imm. 2. Taamatuttaaq napparsimasumut siunnersortimik toqqaasoqassaaq inummut kimulluunniit imatut pineqartumut:

- 1) pinngitsaaliissummik nakorsarneqartumut
- 2) angerlartinneqarnerup kingornatigut pinngitsaaliissummik malinnaaffigineqartumut,
- 3) pinngitsaaliissummik sukaterunneqartumut,
- 4) timi atorlugu pissaanermik atuiffigineqartumut,
- 5) pissaaneq atorlugu nakorsaammik eqqissaatitortinneqartumut,
- 6) sernissuiniarluni sukaterussineqartumut,
- 7) immikkut nakkutigineqartumut nalunaaquttap-akunnerinit 24-nit sivilisinerusumik, kiisalu
- 8) immikkoortorta qarfirmi matunik paarnaarsinermi, imm. 27, imm. 1, nr. 2 naapertorlugu.

Imm. 3. Napparsimasumut siunnersuisup suliassarai:

- 1) napparsimasumik ilitersuissaaq aamma siunnersuissalluni napparsimmavimmut unitsinneqarnermut, uninnganermut aamma nakorsarneqarnermut peqqinnissaqarfiup napparsimaviini pissutsinut tamanut tunngatillugu,
- 2) naammagittaalliornissaajunnartumik aallartitsinermi aamma naammassinninnermi napparsimasumik ikiuissaaq, aamma
- 3) sapinngisamik Tarnimikkut Nappaatillit Maalaarutaannik Aalajangiisartut naammagittaalliutigineqartoq pillugu oqaluserinninneranni najuutissalluni.

§ 34. Kalaallit Nunaanni Eqqartuussivimmi eqqartuussisoq qinnuteqartoqarnerup kingorna napparsimasunut siunnersortit akuerissavai. Akuerisanut nalunaarsuut Dronning Ingridip Napparsimmavissuata tarnimikkut napparsimasunut immikkoortorta qarfianut nassiunneqassaaq. Napparsimasunut siunnersortinngortitat Nuummi najugaqassapput aamma Dronning Ingridip Napparsimmavissuata tarnimikkut napparsimasunut immikkoortorta qarfiani atorfeqartuussanatik.

Imm. 2. Siunnersortinngortitsineq pisumi ataasiakkaami pisassaaq, tassa pinngitsaaliissummik akuliunneq aamma siunnersortinngortitsineq pillugit peqqissaasup pigaartuusup napparsimasumut siunnersorti tuaviernerpaamik nalunaarfigissavaa. Napparsimasumut siunnersorti, nalunaarsuummi allatorneqarfigisaminni tulleriiarineq malillugu, atorfinitsinneqartassaaq.

Imm. 3. Siunnersortinngortitsiniarneq pillugu oqaaseqarnissaminut napparsimasoq periarfissinneqassaaq. Nalunaarsuummi allassimasumik, napparsimasumut siunnersortimik allamik, napparsimasoq siunnersorteqarusunneq pillugu noqqaassuteqarpat sapinngisamik noqqaassut akuerineqassaaq. Aalajangiineq Kalaallit Nunaanni Eqqartuussivimmi eqqartuussisumut maalaarutigineqarsinnaavoq.

Imm. 4. Napparsimasoq, nalunaarsuutini ilaangitsumik, siunnersorteqarumalluni noqqaassummik saqqummiussaqarpat imm. 2 malillugu inummik tullinnguuttumik siunnersortilerneqarallassaaq. Napparsimasup inuk siunnersuutaa siunnersortinngortinneqarsinnaanersoq Kalaallit Nunaanni Eqqartuussivimmi eqqartuussisup aalajangissavaa. Napparsimasup noqqaassutaa inassutiginaangitsutut inngippat akuerineqassaaq.

§ 35. Siunnersortinngortitsinerup kingorna piaarnerpaamik napparsimasumut siunnersortip napparsimasoq pulaassavaa ataavartumillu attavigissallugu. Napparsimasoq Dronning Ingridip Napparsimmavissuaniippat pulaarneq siulleq nalunaaquttap-akunneri 24-t qaangiutsinnagit pissaaq. Napparsimasoq peqqinnissaqarfiup immikkoortortaasa ilaanni allamiippat siunnersortinngortitsinerup kingorna nalunaaquttap-akunneri 24-t qaangiutsinnagit oqarasuaatikkut attavigeqatigiinneq pissaaq. Tamatuma kingorna sapaatit-akunneranut ikinnerpaamik ataasiarluni aamma pisariaqartitsineq naapertorlugu pulaarneq pisassaaq.

Imm. 2. Napparsimasumut siunnersorti killilersugaanngitsumik akornusersugaanngitsumillu inuttut toqqaannartumik, allakkatigut oqarasuaatikkullu napparsimasumik attaveqarnissaminut pisinnaatitaaffeqarpoq.

§ 36. Immikkoortortaqarfimmi imaluunniit peqqinnissaqarfimmi sulisut paasissutissat suulluunniit napparsimasumut siunnersortip suliame isumannaatsumik sularinissaanut pisariaqartitai taassumunnga tunniutissavaat.

Imm. 2. Nakorsap pissutissaqarluni napparsimasumut paasissutissiissutiginggisaa napparsimasumut siunnersortimut aamma paasissutissiissutigineqassanngilaq.

§ 37. Pinngitsaaliissummik iliuseqarnerup taamaatinneqarneranut ilutigitillugu napparsimasumik siunnersorteqartitsineq atorunnaassaaq. Taamaattoq napparsimasumut siunnersortip napparsimasoq maalaarutinut aallareriikkanut, imaluunniit atorunnaarsitsinermut peqatigitillugu aallartinneqartunut, atatillugu ikiussavaa.

§ 38. Napparsimasunut siunnersortit akuerineqarnerat atorfinitsinnerallu, suliassat pisinnaatitaaffiisalu ersarissarneqarnerat kiisalu akissarsiaat pillugit Naalakkersuisut maleruagassanik sukumiinerusunik aalajangersaassapput.

Kapitali 10

Nalunaarfinginnineq aamma naammagittaalliuteqarsinnaanermut il.il. ilitsersuineq

§ 39. Kiffaanngissusiiaaneq aallartinneqartinnagu pinngitsaaliissullu alla atulersinnagu pinngitsaaliissuteqarnissamik pilersaarummik qanoq iliortoqarniarneranik, tunngavilersuutaanik siunertaanillu napparsimasoq kalerrinneqassaaq, taamaattorli tak. imm. 2.

Imm. 2. Taamaattoq pinngitsaaliissummik nikitsaaliuilluni aalajangiinermi nukersorfinginninnermilu, tak. §§ 20-23, pisuni immikkut tuaviornartuni kallerreeqqaannginneq pisinnaavoq. Taamaattoqartillugu tunngavilersuutigineqartoq iliuuseqarneq pillugu tamatuma kingorna ilisimatitsissutigineqassaaq.

§ 40. Pinngitsaaliissummik atuinerni tamani akuliunnerup maalaarutigisinnaanera pillugu napparsimasoq ilitsersorneqassaaq.

Imm. 2. Pinngitsaaliissummik atuinissaq pillugu aalajangiinermut maalaaruteqarneq aalajangiinermik kinguartitsissutaasinnaangilaq, taamaattorli tak. imm, 3.

Imm. 3. Taamaattoq pinngitsaaliissummik katsorsaanssamik aalajangiineq, tak. kapitali 4, pillugu maalaarneq kinguartitsissutaasinnaavoq, kinguartitsissutaasinnaangilarli napparsimasup inuunerminik peqqissutsiminilluunniit annertuumik navianartorsiortinnissaa imaluunniit napparsimasup eqqaminiittunik timikkut peqqissutsikkulluunniit ajoqusiinissaa pinngitsoortinniarlugit ingerlaannaq katsorsaasoqartariaqarpat. § 18 malillugu pinngitsaaliissummik malittarinninnissamik aalajangiussa q pillugu maalaarneq taamatuttaaq kinguartitsissutaasinnaavoq.

§ 41. Kalerrineq aamma maalaaruteqarnissamut ilitsersuineq pillugit Naalackersuisut aalajangersakkanik sukumiinerusunik aalajangersaassapput.

Kapitali 11

Naammagittaalliornissamut periarfissaq aamma eqqartuussivikkut ingerlatitsisinnaaneq

§ 42. Naalackersuisut naammagittaalliuteqarnermut aalajangiisartunik pilersitsissapput taaguuteqartumik Tarnimikkut Nappaatillit Maalaarutaannik Aalajangiisartut

Imm. 2. Tarnimikkut Nappaatillit Maalaarutaannik Aalajangiisartunut ilaasortaapput:

- 1) eqqartuussissuserisoq siulittaasutut,
- 2) Nunatsinni Nakorsaaneq, aamma
- 3) napparsimasut peqatigiiffianit sinniisuutitaq, tarnimikkut napparsimasunut sinniisuutitaasusaaq,

Imm. 3. Naalackersuisut ilaasortanut sinniisussanik toqqaassapput,

Imm. 4. Toqqaanerit imm, 2 aamma 3-mi ukiuni sisamani atuupput.

Toqqaqqittoqarsinnaavoq.

Imm. 5. Tarnimikkut Nappaatillit Maalaarutaannik Aalajangiisartut suliassanik

ataasiakkaanik aamma aalajangiinernut suliaqarnerminni suliaassanut ataasiakkaanut tunngatillugu ilitserneqarnissanut attuumassuteqartinneqanngillat.

Imm. 6. Nunatsinni Nakorsaaneqarfik Tarnimikkut Nappaatillit Maalaarutaannik Aalajangiisartut allatseqarnikkut suliaasaannik isumaginnittuovoq.

Imm. 7. Peqqissutsimut Ilisimatusarnermullu Naalakkersuisoqarfiup Tarnimikkut Nappaatillit Maalaarutaannik Aalajangiisartut aningaasartuutaat, tassunga ilanngullugit aalajangiisartunik ilaasortat ajunngitsorsiaat, akilertassavai.

§ 43. Napparsimmavinni oqartussaasup napparsimasup imaluunniit napparsimasumik siunnersuisup qinnuteqarnera tunngavigalugu naammagittaalliutit Tarnimikkut Nappaatillit Maalaarutaannik Aalajangiisartunut naammagittaalliutit ingerlateqqissavaat, makkununga tunngasut:

- 1) pinngitsaaliissummik unitinneqarnermut,
- 2) pinngitsaaliissummik uninngatinneqarnermut,
- 3) unitsinneqaqqinnermut,
- 4) pinngitsaaliissummik nakorsaanermit
- 5) angerlartinneqarnerup kingornatigut pinngitsaaliissummik malinnaaffigineqartunut, § 18 tunngavigalugu
- 6) pinngitsaaliissummik sukaterunneqarnermut,
- 7) timi atorlugu pissaanermit atuiffigineqarnermut,
- 8) pissaaneq atorlugu nakorsaammik eqqissaatitortinneqarnermut,
- 9) sernissuiniarluni sukaterussineqarnermut,
- 10) immikkut nakkutigineqartumut nalunaaquttap-akunnerinit 24-nit sivisunerusumik, kiisalu
- 11) immikkoortortaqaarfimmi matunik paarnaarsuinnermut.

Imm. 2. Naammagittaalliut napparsimasumit imaluunniit napparsimasumut siunnersortaasumit saqqummiunneqareersimassapput kiffaanngissusiagaanerup imaluunniit pinngitsaaliissummik iliuuseqarfigineqarnerup allap, naammagittaalliornermut tunngasup, kingusinnerpaamik qaammatit arfinillit qaangiutinnginneranni.

§ 44. § 43-mi eqqaaneqartutut naammagittaalliut Tarnimikkut Nappaatillit Maalaarutaannik Aalajangiisartunut saqqummiunneqarpat suliamut allagaatit, ilaatillugit pinngitsaaliissuteqarnernut nalunaarsuutit assilinerat, kiisalu Dronning Ingridip Napparsimmavissuani tarnimikkut nappaatilinnut immikkoortortaqaarfimmi nakorsaanerup nalunaarutaa Peqqissutsimut Pitsaaliuinnermullu Aqutsisoqarfiup nassiutissavai. Tamatumunnga ilagitillugu aalajangiisartut namminneq suliap qaammarsarnissaa isumagissavaat nalunaarutaasinnaasullu allat il.il. pissarsiarinissaat pillugu aalajangersaassallutik.

Imm. 2. Napparsimasup napparsimasumullu siunnersortip oqaaseqarnikkut atortorissaarutilluunniit allat atorlugit suliamik aalajangiisartut saqqummiussinissamut

pisinnaatitaapput. Pisuni immikkut ittuni aalajangiisartut aalajangersinnaapput napparsimasup peqqissusaanik eqqarsaatiginninneq imaluunniit suliap aalajangiisartuni suliarineqarnera pissutigalugu napparsimasoq tamakkiisumik ilaannakuusumilluunniit suliamik isumaginninnermut ilaatinneqassanngitsoq.

Imm. 3. Pinngitsaaliissummik katsorsaanerit pillugit kinguartitsissutaasinnaanermik inissisimasunik maalaarutininik, tak. § 40, imm. 3, suliassani maalaarutip tiganeraniit ulluinaat arfineq-marluk qaangiutsinnagit Tarnimikkut Nappaatillit Maalaarutaannik Aalajangiisartut aalajangiisassapput. Suliassani allani Tarnimikkut Nappaatillit Maalaarutaannik Aalajangiisartut sapinngisamik piaartumik aalajangiisassapput. Maalaarutip tiganeraniit ullut 14-it qaangiutsinnagit aalajangiisoqarsimanngippat aalajangiisartut tamatumunnga pissutaasoq pillugu napparsimasumut napparsimasumullu siunnersortimut ilisimatitsissutigissavaat kiisalu nalunaarutigalugu aalajangiineq qaqugu naatsorsuutigineqarsinnaanersoq.

Imm. 4. Tarnimikkut Nappaatillit Maalaarutaannik Aalajangiisartunut suleriesissamik Naalackersuisut aalajangersaassapput.

§ 45. Napparsimasup imaluunniit napparsimasumut siunnersortaasup piunasaqarneratigut Tarnimikkut Nappaatillit Maalaarutaannik Aalajangiisartut aalajangikkatik Kalaallit Nunaanni Eqqartuussivimmut ingerlatissavaat Kalaallit Nunaanni pinerluttulerineri inatsimmi kapitali 28-mi maleruaqqusat naapertorlugit.

Imm. 2. Suliassap saqqummiunnissaa pillugu qinnuteqaat Tarnimikkut Nappaatillit Maalaarutaannik Aalajangiisartut aalajangiineranniit sapaatit-akunneri sisamat qaangiutsinnagit saqqummiunneqassaaq. Piffissarititamiit saneqqutsinissamik immikkut ittumik pissutissaqarpat Tarnimikkut Nappaatillit Maalaarutaannik Aalajangiisartut aalajangiineranniit qaammatit arfinillit tikillugit kingusinnerusukkut qinnuteqaatip saqqummiunneqarnissaa Kalaallit Nunaanni Eqqartuussivimmi eqqartuussisumit akuerineqarsinnaavoq.

Imm. 3. Napparsimasoq kiffaanngissusiiagaassasoq Tarnimikkut Nappaatillit Maalaarutaannik Aalajangiisartut akuerippassuk angerlartitsinerimik apeqqut pillugu Tarnimikkut Nappaatillit Maalaarutaannik Aalajangiisartuni suliassiissutigeqqinnissaa aalajangiisartut aalajangiineriniit qaammatit marluk ingerlareernerini aatsaat noqqaassutigineqarsinnaavoq. Kiffaanngissusiiianerup inatsisinut naapertuunna pillugu apeqqut eqqartuussivimmut tunniunneqarsimappat, tak. imm. 1, piffissarititaq eqqaaneqartoq eqqartuussiviup aalajangiineraniit naatsorsorneqassaaq.

Imm. 4. Tarnimikkut Nappaatillit Maalaarutaannik Aalajangiisartut angerlartitsinerup kingorna pinngitsaaliissummik malittarinninnermik pilersitsisoqarnissaa akuerippassuk, tak. § 18, angerlartitsinerup kingorna pinngitsaaliissummik malittarinninnissamut apeqqut aatsaat angerlartitsinerup kingorna pinngitsaaliissummik malittarinninnissaaq § 18, imm. 6 naapertorlugu sivitsorneqarpat aalajangiisartunut suliassiissutigeqqinnissaa noqqaassutigineqarsinnaavoq. Tamatuma kingorna angerlartitsinerup kingorna

pinngitsaaliissummik malittarinninnissap sivitsorneqarneri tamarmik suliassiissutigeqqinnissaat noqqaassutigineqarsinnaavoq.”

Kapitali 12

Atuutsitsilernermut, atorunnaarsitsinermut aamma ikaarsaariarnermut aalajangersakkat

§ 46. Inatsisartut inatsisaat manna atuutilerpoq ulloq 1. januar 2019 aamma aalajangiinernut aamma aalajangersaanernut inatsisartut inatsisaata atuutilernerata kingornatigut aalajangerneqartunut tamanut atuulluni.

Imm. 2. Tamatuma saniatigut Tarnimikkut nappaatilinnik nammineersinnaajunnaarsitsineq allatigullu pinngitsaaliissummik iliuuseqarneq pillugu inatsisartut Inatsisissaat nr. 24, 3. december 2012-imeersoq atorunnaarsinneqarpoq.

Imm. 3. Allaffissornikkut malittarisassiat, tarnimikkut nappaatilinnik kiffaangissusiaasarneq allatigullu pinngitsaaliissummik iliuuseqartarneq pillugu inatsisartut inatsisaannik toqqammaveqartut kingusinnerusukkut allannguutaat ilanngullugit, atuutsinneqarunnaarnissaasa tungaannut atuutissapput.

Namminersorlutik Oqartussat, ulloq xx. xxx 2019

Kim Kielsen